



Inatsisartuni ilaasortaq
Aleqa Hammond
-/maani

Pillugu: §36, imm. 1 naapertorlugu apeqquteqaammut akissut najugaqariaasermut misissuineq aallartinneqarsimasoq. Apeqqutigineqarpoq Kanunupe aamma Kanukoka misissuinermit peqataanersut, tassungalu Naalakkersuisut akissuteqarput misissuinermit ilanngutsinneqassasut. Maanna paasivara tamaattoqanngitsoq. Kanunupe’p aamma Kanukoka’p peqataatinneqannginnerannut suna peqquataava?

28.04.10
Sagsnr.
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@gh.gl
www.nanoq.gl

Asasara Aleqa,

Najugaqariaaseq pillugu misissuineq misissueqqissaarinermut annertuumut ilaavoq, immikkoortunut arlalinnut agguarneqarsimasumut – nunaqarfinni pissutsit pillugit kisitsisiti-gut misissuinermit, allakkiap inaarsarneqarnissaa ilanngullugu – nunap immikkoortuini ineriartortitsinermit pilersaarummut. Immikkoortuni tamani oqartussa qarfiit suliap suliarineqarnerata tungaanut susasaqartut peqataatinneqassapput. Kanukoka aamma Kanunupe susasaqarfinni attuumassuteqarfigisaanni ineriartortitsinermit suliani pissusissamisoorluinnartumik peqataatinneqassapput.

Peqatigiiffiit marluk suliamut qanoq peqataatinneqartigissanersut nassuiaateqarfiginnginnerani aallarniutigalugu Kanunupe’p aamma Kanukoka’p suliami peqataatinneqarnissaasa pingaaruteqarnera apeqquteqartup isumai pillugu taperserusuppara. Nunap immikkoortuini ineriartortitsinermit pitsaasumik pilersaarummik Kalaallit Nunaannut tamarmut iluaqutaasussamik suliarinninniarnermi tunngavissat pitsanngorsarneqarnissaannut peqataasinnaasunik sammisami pingaaruteqartunik ilisimasaqarput.

Immikkoortoq 1 – nunaqarfinni misissuineq: Suleqatigiissitaq naalakkersuisoqarfinit makkunanga peqataaffigineqartoq: Inuussutissarsiornermut Suliffeqarnermullu, Aningaasarsiornermut, Aalisarnermut Piniarnermullu aamma Kultureqarnermut, Ilinniartitaarnermut, Ilageeqarnermut Ilisimatusarnermullu. Lektor Rasmus Ole Rasmussen, Nordregio-meersoq, sammisaqarfinnit ataani taaneqartunit oqallisissiaq tunngavigalugu nunaqarfinni pissutsit paasiniarlugit najoqqutanik arlalinnik misissueqqissaarsimavoq. Suliaq tamanna erininarsinngitsoq naammassineqartussaavoq. Taamaalereerpat misissuinerup inernerit pillugit nassuiaammik suliarinnittoqartussaavoq, UPA2010-mut atatillugu Inatsisartunut ilaasortanut nassiuusunneneqartussamik.

Immikkoortoq 2 – nunap immikkoortuini ineriartortitsinermit pilersaarummik inerisaaneq: Nunap immikkoortuini ineriartortitsinermit pilersaarut inaarutaasumik pilersaarummi nunap immikkoortui sunniuteqartuummata ilisimasassatut pissarsiat amerlanersaat Kanunupe’p aamma Kanukoka’p ilaasortaannit kommunerujussuarnillu sisamaasunit pis-

sarsiassaapput. Taamaamat 2010-mi aasap naajartulernerani kommunit tikeraartus-
saavakka, tusarniaaffigissallugit Naalakkersuisut nunap immikkoortuini ineriartortitsiner-
mi pilersaarutaat nunap taakku immikkoortuini inuussutissarsionermi periarfissanut qa-
noq pitsaanerpaamik iliorfigineqarsinnaanersoq. Kommuninut tikeraarnerit saniatigut Ka-
nunupe aamma Kanukoka aamma ataatsimeeqatigineqartussaapput, nunap pineqartup
immikkoortuini qanoq pitsaanerpaamik siuarsarneqarsinnaanersut pillugit isummaminnik
saqqummiussinissaminnut periarfissinneqassallutik.

Immikkoortoq 3 – nunap immikkoortuini ineriartortitsinermut pilersaarutip aalajangiun-
neqarnera: Nunaqarfinni misissuinerit aallaavigalugit, kommuninullu tikeraarnernit paasi-
sat pissarsiarineqarsimasut aallaavigalugit nunap immikkoortuini pilersaarutiniq suliarin-
nittoqassaaq, naalakkersuisoqarfiit tamarmik peqataatinneqassallutik, nunap immikko-
ortuini ineriartortitsinermut pilersaarut naalakkersuisoqarfiit suliaqarfiinik tamanik kallu-
aasuummata. Taamaalereerpat ineriartortitsinermi pilersaarut tusarniaassutigineqas-
saaq, tassani Kanukoka aamma Kanunupe tusarniaanermi pissusissamisoortumik pin-
gaaruteqartumillu peqataasussaassallutik.

Neriuppunga apeqquteqaatit naammaginantumik akissuteqarfigalugu.

Inussiarnersumik inuulluaqqusillunga

Ove Karl Berthelsen

Inuussutissarsionermut Suliffeqarnermullu Naalakkersuisoq